

Broj : 01-23-_____-2025

Datum: _____.01.2025.godine

Na osnovu člana 16. Statuta Grada Gračanica („Službeni glasnik Grada Gračanica“, broj: 01/23), člana 23. Odluke o izvršavanju Budžeta Grada Gračanica za 2025.godinu („Službeni glasnik Grada Gračanica“, broj: 01/23), Gradsko vijeće Gračanica, na sjednici održanoj _____2025.godine, d o n o s i

ODLUKU

o načinu raspodjele i utroška sredstava za održavanje puteva u mjesnim zajednicama na području Grada Gračanica

Član 1.

Ovom Odlukom utvrđuju se način raspodjele i utroška sredstava za održavanje puteva u mjesnim zajednicama na području Grada Gračanica, osim MZ Gračanica.

Član 2.

Sredstva planirana u Budžetu Grada Gračanica za održavanje puteva u mjesnim zajednicama na području Grada Gračanica, osim MZ Gračanica, će biti realizovana na sljedeći način :

- a) Provest će se procedura javne nabavke za održavanje puteva u mjesnim zajednicama na području Grada Gračanica,
- b) Predmet javne nabavke je podijeljen u dva LOT-a i to:
 - LOT 1: Sanacija udarnih rupa na asfaltiranim putevima
 - LOT 2: Sanacija makadamskih puteva
- c) Vrijednost odobrenih radova za održavanje puteva po mjesnim zajednicama će se određivati na osnovu sljedećih kriterija:
 - 50% prema dužini asfaltnih i makadamskih puteva
 - 20% linearno svim mjesnim zajednicama i
 - 30% prema udaljenosti mjesne zajednice od centra Grada

Član 3.

Nakon provedene procedure javne nabavke, tabelu sa iskazanim vrijednostima odobrenih radova, kao i jedinačne cijene radova na održavanju puteva, Služba za poduzetništvo, lokalni razvoj i finansije (u daljem tekstu: Služba) će sačiniti i dostaviti svim mjesnim zajednicama, koje će svoje zahtjeve za sanaciju asfaltiranih i makadamskih puteva dostavljati Službi, vodeći računa o vrijednosti odobrenih radova. Nakon provjere zahtjeva, Služba daje nalog odabranom dobavljaču za izvođenje radova.

Član 4.

Danom stupanja na snagu ove Odluke, prestaje da važi Odluka o kriterijima za raspodjelu sredstava planiranih za rad mjesnih zajednica i sredstava za održavanje puteva, broj: 01-05-00591-2010 od 29.01.2010.godine („Službeni glasnik Općine Gračanica“, broj: 1/10).

Član 5.

Ova Odluka stupa na snagu danom objavljivanja u „Službenom glasniku Grada Gračanica“.

**PREDSJEDAVAJUĆI
GRADSKOG VIJEĆA**

Mirza Okić

OBRAZLOŽENJE

Na osnovu ukazane potrebe za promjenu načina realizacije sredstava za održavanje puteva u mjesnim zajednicama, a što je bilo regulisano Odlukom o kriterijima za raspodjelu sredstava planiranih za rad mjesnih zajednica i sredstava za održavanje puteva, broj: 01-05-00591-2010 od 29.01.2010 godine („Službeni glasnik Općine Gračanica“, broj: 01/10), pristupa se promjeni Odluke na način da se donose dvije odvojene Odluke.

Ovom Odlukom se propisuje da će se provesti zajednička javna nabavka radova na održavanju puteva u svim mjesnim zajednicama, izuzev MZ Gračanica za koju je u budžetu predviđena posebna stavka, i to za sanaciju udarnih rupa na asfaltiranim putevima i sanaciju makadamskih puteva. Ukupno raspoloživa sredstva predviđena Budžetom za tekuću godinu će se rasporediti po mjesnim zajednicama u skladu sa kriterijima navedenim u članu 2. pod c) ove Odluke, s tim da se mjesnim zajednicama ne dodjeljuju sredstva već se angažuje dobavljač čija je ponuda nakon javne nabavke odabrana kao najpovoljnija i sa kojim je zaključen ugovor, koji će izvršiti radove na održavanju puteva u protuvrijednosti odobrenoj za pojedinu mjesnu zajednicu u jednom ili više navrata u toku godine.

Udaljenost mjesne zajednice od centra Grada jednim dijelom utiče na cijenu radova koje dobavljač treba da izvede i iz tih razloga će mjesne zajednice biti svrstane u četiri ili pet grupa prema udaljenosti od centra Grada.

Podaci o dužini asfaltiranih i makadamskih puteva će se preuzeti od nadležne službe, na osnovu čega će se obračunati vrijednost radova po tom kriterijumu i pridodati vrijednosti radova po ostala dva kriterija po svakoj mjesnoj zajednici.

Za provođenje ove Odluke nisu potrebna dodatna sredstva u Budžetu Grada Gračanica.